

M̄weīnan eo an Jibboñin Jadede,

kweilok eo eḷap

Kememej Kom̄ Aorok Ippān

mour kwojarjar

aorok an kajjojo

kōjatdikdik

ettā

kweilok eo Eḷap

Kememej Kom̄ Aorok Ippān

Jen Būreejtōn Dieter F. Uchtdorf

Rikakpilōklōk eo Kein Karuo ilo Būreejtōnji eo Kein Kajuōn

Irooj ej kōjermal juon kein joñak elukkuun oktak jān eo laḷ in ej kōjermal ñan joñe aorok in juon armej.

Moses, juon iaar rikanaan ro rōḷḷap an laḷ in eḷap ad jeḷā kake, ekar rūtto ḷok ippān kōrā eo nejin Pharaoh im kar mour 40 iiō ko ilo imōko reḷḷap ilo Egypt. Eḷap an meḷeḷe kōn aiboojoj im utiej pōtata eo an mour ilo aelōñ in kiiñ eo etto.

Elkin elōn iiō tok ālik, ilo ioon tol ettolok, ettolok jen aiboojoj im oleo eo an Egypt eo ekajoor, Moses eaar jutak imāan mejān Anij im kōnono Ippān ilo aerro jelmae mejan droon āinwōt an juōn armej kōnono ippān eo mōttan.<sup>1</sup> Ilo tōre in kar loe tok e, Anij ekar kwaḷok ñan Moses tōbrak in jermal ko an rōm̄man jen Iḷubūden pein, kar kōtḷok bwe en lale jidikin jermal im aiboojoj eo An. Ke

ej jemļok madenļok in, Moses ear babu laļ ium̄in elōn awa ko. Tōre eo ej rol tok kajoor eo an, eaar kūle juōn men eo, ilo aolepen mour ko an ilowaan oror eo an Pharaoh, eaar jab waļok n̄an e mokta lok.

Eaar ba ejeļā bwe armej ejeļok tokjen.<sup>2</sup>

Eļap Ad Dik Jen Joñan Ad Kōļmenļokjeņ Kake

Eļap ļok ad katak kōn jekjek in laļ im lañ, eļap ļok ad meļeļe—mekar ta n̄e edik—kōn ta eo Moses ekar jelā kake. Laļ im lañ eļap an ļap, lōkapokpok, im aiboojoj eo ie epen n̄an meļeļe ilo kōļmenļokjeņ an armej. Eaar ba bwe eļaññe ekar pidodo an armej būni menin kōm̄anm̄an ko ilaļ ak aaet milien ko ioon laļ ko āinwōt in, ej jamin erom̄ juon ijino n̄an oran kōm̄anm̄an ko an Anij.<sup>3</sup> Men in kabwilōnlōn ko ilo joten eo ilo lañ rej juōn kaṃool eaboojoj kōn ṃool eo.

Ewōr jet men ko me raar kobrak eō kōn eñjake ko rej kalokjen aō ilo aō kelok ilo boñōn eo emarok kijoone maļo ko im laļ ko im renabwōjļok jen wintō eo aō ioon milien iju ko eļap aer aiboojoj.

Rikatak kōn ijuko ilañ rar kajion in būni iju ko ilañ imejatoto. Juōn kumi in rimāletlet ro rar kōtmene bwe oran iju ko im jej loe kōn bweikulaaj ko rej 10 alen aer lap lok jen koba in aolepen bok kiō iparijet ko im ānejemaden ko.<sup>4</sup>

Ekkatak in eļap ļok an āinwōt ennaan eo an rikanaan in etto eo Enoch: Eaar ba bwe eļaññe kar pidodo n̄an armej n̄an būne menin kōm̄anm̄an ko an laļ, ak aaet milien ko ioon laļ ko āinwōt wōt in, ej jamin naaj erom̄ juon ijino n̄an oran kōm̄anm̄an ko an Anij. (lale Moses 7:30).<sup>5</sup>

Mekarta n̄e elap an lap kōm̄anm̄an eo an Anij, ej juōn men in būlōn kōn King eo elap Benjamin ilo an kar kapilōk e armej ro doon bwe ren “iien otemjej bōk ilo ememļokjen, ļap eo an Anij, im waan eo ami make.”<sup>6</sup>

Eļap Ad Ļap Jen Joñan Ad Kōļmenļokjeņ Kake

Mekarta n̄e armej ejeļok tokjen, ej keñaaek tok aō kōn kōļmenļokjeņ im mijak ilo ļom̄nak bwe aorōk in juōn armej eļap an ļap tokjen iṃaan mejān Anij.<sup>7</sup>

Im ilo ad kaļimjōk tudepakpak in laļ im lañ im ba, “Ta armej ilo keidi n̄an aiboojoj in kōm̄anm̄an

eo?” Anij E make eaar ba bwe jej unleplep in An kar kōmanman e laḷ im lañ! Jerbal im aiboojoj eo An—un eo elap an laḷ im lañ—ej ñan jipañ im lōmōoren armej.<sup>8</sup> Ilo wāween ba ilo naan ko jet, joñan ḷap in an depakpak ñan indeeo, aiboojoj ko im kabwilōñlōñ ko an kūlep mejatoto im iien eaar ejaak ñan kōjeramman eo an mour in wabanban ad āinwōt kwe im ña. Jemedwōj Ilañ eaar kōmanman laḷ im lañ bwe jen maroñ tōbar joñok ko ad āinwōt maan im kōrā ro Nejin.

Ej likjab eo an armej in: ilo keidi ñan Anij, maan ejjab ḷap unjen; ijo wōt ke jej men otemjej im wun ko ñan Anij. Ilo keidi ñan kōmanman eo eḷap jemaroñ wōt kōj bwe ejej unjen koj, ewōr ippād juōn kajoor in kujeek eo ejjeḷok jemḷokin ej urur ilo kōj. Edik jetñaak in jeḷāḷokjeḷ eo ippād ñan meḷeḷe kaḷimḷur in mour in jab wabanban— ilo ejjeḷok jemḷok in laḷ—ñan ad tōpare. Im ej ikdelel eo eḷap an Anij jipañ kōj tōpare.

Juōn Mākūtkūt Elikjab an Utiej Bōro

Rikabo eo eḷap ejeḷā bwe juōn iaan kein jermal ko an epidodo an kōjermal ñan tōl ajri ro nejin Anij jen e ej ilo an kūḷōōr tok ijo elikjab ippān armej. Ñan jet, ej kūḷōōr tok anekeke in utiej bōro ko, pikpikkūr kōnwaer im rōjañ er bwe ren tōmak ilo lōke eo aer eḷap aer utiej im jimwe wōt tōm jimwe. Ej jiroñ er bwe emōj aer tōbar ijo eutieḷ tata ilōñin emman im kōn maroñ in ippāer, kōjramman eo an manje, ak wāween ippān doon in, rej jenolok jen men ko bwinnin mour ipeḷaaker. Ej tōl er bwe ren ba ke rejjab pād ilo kōmakoko in kakien ko an ro jet im rej jab eddo kōn men in etan ko an ro jet.

Rej ba bwe Abraham Lincoln e iakwe juōn booem ej eindein riiti:

*O etke jetōb in juōn armej ej aikuij in kabbwil?*

*Āinwōt juōn dekā ko ilañ emōkaj an kāḷok, juōn kōdo eo emōkaj an weaak,*

*Juōn meram in ejjeramram, juōn rub in ḷo,*

*Armej ej iḷok jen mour in ñan an kakkūje ilo lōp.<sup>9</sup>*

Rikaḷoor ro an Jisōs Kraist remeḷeḷe bwe keidi ñan mour indeo, ad mour ilo mour in ej ñan jidik wōt iien iumwin juōn tōre.<sup>10</sup>

Remeḷeḷe bwe lukkuun aorōk eo an juōn armej ejjab pedped ion ta eo laḷ in ej watōk bwe eḷap an

aorōk. Remeļeļe bwe kwomaroñ in aini aolepen jāān ko an laļin im eban bwe ñan wiaiki juōn bilawe ekkar ñan aorōk in jāān ko ilaā.

Ro renaaj “jolet e aelōn in Anij”<sup>11</sup> ej er ro im renaaj erom “āinwōt juon ajri, ettā, inemman, ettā bōro, kemmaan-wa, obrak kōn iakwe.”<sup>12</sup> “Bwe naaj kōttāik ro otemjej rej make koutiej eo ej make kōttāik e.”<sup>13</sup> Rikaļoor rein remeļeļe barāinwōt “bwe eļāñne komij jermal ñan armej ro ami komij jermal wōt ñan ami Anij.”<sup>14</sup>

## Eban Meļokļok Kōj

Juōn iaan wāween ko jet Satan ej kaboik kōj ej ilo ad inepata. Ej kajion in kōmman bwe jen loe wōt mōjņo ko ad māe iien jej jino ad jāleke joñan aorōk eo ad. Ej jiroñ kōj bwe eļap ad dik ñan an ro jet kūle kōj, im bwe remeļokļok kōj—eļap tata jen Anij.

Ñe imaroñ in eok juōn men iaar ekkatak ilo mour e aō me emaroñ in jipañ ro rej eñjaake ke ejejtokjāer, remeļokļok er, ak rōmake iaer.

Elōn jet iiō ko remoot ļok iaar pād ilo kamminene ko an rikāke ilo paluun ippān jikin tarinae eo an United States im rej ekkāke kōn paluun. Iaer etto ļok jen imwe eo imwō, juōn eo ritarinae in tuiōñ in German, kar ļotak ilo Czechoslovakia, eo im eaar rūttoļok ilo turōk in Germany; im kar kōnono kajin Pālle ilo an lukkuun pen. Ij kememej tūrep eo amim ļok ñan jikin kōkammelmel eo ilo Taxes. Iaer iuwe ilo juōn paluun, ij jijet iturin juōn pajinjea eo im elukkun ļap toņ in kajin in ijoko Turōk. Elukkuun ļap aō jameļeļe naan ko ej ba. Iaer lōmņak bwe bōlen ebōd kajin eo eaar katak maan tak. Iaer lukkuun mijak kōn kōļmenļokjeņ in ke ij aikuij in jiāe ñan tōpar ijo ko ilōn tata ilo kōkammāļmeļ ko an ekkāke ippān rijikuul ro im rej kōnono kajin Pālle.

Ke Iaer itaakļok ilo jikin tarņae eo ilo juon jikin edik an Big Spring, Texas, Iaer kappukōt im loe branch ab Armej ro Rekwojarjar ilo Raan ko Āliktata, eo ekoba membōr ro raiboojoj ro rej kweiļok ilo ruum ko jataiki an jikin tariņae eo make. Membōr ro repād ilo aer kalōk juon imōn kweiļok edik me maroñ kōjerbale āinwōt juon jikin ñan Kabuñin. Raan ko etto membōr ro rej kōmmane enaāin aolepen jermal ko ilo em kāal ko rekilep.

Raan ñan raan ij pād ilo kaminene in ekkāke ko im buuļ katak joñan wōt aō maroñ innām joļok iien ko jet ijjab boub ie ñan jermal ilo imwon jar in ekāal. Ej ijo im iaar ekkatak im jelā ke al eo two-by-four ejjab juōn jurbak ak ej juōn alal. Iaer bar āinwōt katak kōjparok eo ilo aō jab noe addi lep eo eļāñne ij noe juōn dila.

Eļap jen joñan aō jermal ilo imwōn jar eo innām branch būreejtōn—eo im ej bar āinwōt juōn iaan

rūkaki in ekkāke ro aō—ear kwalok an inepata bwe Nā ij aikuij in jołok ełap iien nān ekkatak ko aō.

Ro mōtta im im rijikuul in ekkāke ro mōtta rej bōk kūnaer ilo makūtkūt ko jet bar āinwōt, ijo wōt ke ij lōmṅak ejejet nān ba bwe jet iaan makūtkūt kein ilo watōk rejjab jokkun wōt juōn ippān bok eo rainin ṅae etan *Non Kokajur Jodrikdrik Ro*. Ilo aō mejele, ełap lok aō bōk koṅaō ilo būran jidikdik in tuiōn in Texas, kōkamelmel e kūlen kamōtōjberbal in kamōtō in iaar katak, im kōmṅanṅan lok kajin Palle eo aō ilo aō kōmṅane kūr ko aō āinwōt juōn rūkaki ilo radik eo an ełtōr im ilo kūlaaj eo an Jabōt Jikuul.

Ilo tōre in, Big Sping, kōjekdoon at eo etan, ear jūon jikin jidikdik, ejjełok bōnbōn in, im jejjo rōjelākake. Im jet iien ej lukkun āindein aō eṅjake kōn nā—ejjełok bōnbōn in, jejjo ejelā kake, im lukkuun makkūmake. Mekarta, ejañin kar wōr juōn iien inañūn kar kōlṅenłokjeṅ kake ełañne Irooj emełokłok nā ak ełañne E enaaj pidodo an loe nā ie. Ijelā bwe ejjab aorōk eo bwe Jemedwōj Ilañ en jełā ia eo ij pād ie, ia joñan eo itōbar e ippān ro ilo kūlaaj in kōkammalmel eo aō, ak ta kūr eo aō ilo Kabūn in. Men eo eaorōk nān E ej bwe ij kōmṅane ijo imaroñ e, bwe būruō ij wujleplok nān E, im bwe ij mōṅōṅō in jipañ ro ituru. Ijelā bwe ij kōmṅane men ko rejimwe—ełañne ij kōmṅaat aō maroñ—aolep men renaaj emṅan.

Im aolep men raar emṅan.<sup>15</sup>

Eo Āliktata Enaaj Imṅaan tata

Irooj ejjab kea ełañne jaar jołok elōn raan jberbal ilo aor ko reppen im jikin kōbbād ko reban makūtkūt. Ejełā jej pād ia, mekar ta joñan ettain jekjek ko jej pād ie. Enaaj kōjberbal—ilo kālet ko an make im kōn un ko An rekwojarjar—ro im rej wūjlep būrwāer nān E.

Anij ejelā bwe jet iaan armej ro rełlap raar mour mokta ej er ro reban walok ilo bwebwenato in etto ko. Er ro rejeraṅṅan, jet armej ro rōttā rej loṅre waanjoñok eo an Rilōmṅor im kōjberbal raan in mour ko aer kōmṅan emṅan.<sup>16</sup>

Juōn ripālele, jinen im jemen juōn iaan ro mōtta, ej juōn waan joñak eo emṅan tata ikkijen katak in nān nā. Leo pālele ej jberbal ilo juōn jikin kōmṅan aen ilo Utah. Ilo iien mōñā in ralep ej kwalok jeje ko rekwojarjar an ak makūjin ko an Kabūn im riit. Ke rijberbal ro jet mōttan rej loe men in, rej kajirere kake e im mālijjon e tōmak ko an. Ełañne rej eindein, ej kōnono nān er ilo jouij im peran. Ear jab kōtlok bwe jaje karejar eo aer en kōmṅan an illu im inepata.

Jet iiō tok ālik juōn iaan ro ełap an kar kakutōtō ear lukkuun nañinmij. Mokta jen an kar mej,

eaar kajjitōk ippān ļein ettā būrwōn bwe en kōnono ilo ilomej eo an—ekar kōnono ie.

Membōr in emool an Kabuñ in eaar jab lukkuun utiej ilo mour in ak mweie, ijo wōt ke paaktokin eaar unūr aolepen ro rejelā kajjien. Eaar mej ilo jidilōk ilo jikin jermal ke eaar bōjrak in tōn jipan bar juōn rijerbal eo im eaar pen ilowaan jiņo eo.

Ilowaan juōn iiō kōrā eo ippān emake eaar aikuij in pād ilo mwijmwij kemlej, eo eaar kōmman men in an jab etetal. Ijo wōt ke armej rej mōņōņō in loe tok e kōn ke ej maroñ in roñ ļok jen. Ej emman wōt an kememej. Ej wōr wōt an kea. Ejjab marōn in jeje, ej kakememej ajri ro nejin im talboon nōmba ko an ajri ro jibūn. Ej emman wōt an kememej raan in ļotak ko im raan in ānibōjere ko.

Ro rej lo tok kōrā in rej emman aer eņjake kōn mour im kōn er make. Rej eņjake iakwe eo an kōrā in. Rejelā bwe kōrā in ej kea. Kōrā in ejaje emmōlkaro ijo wōt ke ej kōjermal raan in mour ko an ñan kōjeraman mour ko an ro jet. Juōn iaan ro mōttan ear ba bwe kōrā in ej juōn iaan armej ro rōjeja ejelā kajaer im rej kwaļok kōn iakwe im mour eo an Jisōs Kraist.

Ripāļeļe rein remaron kar ba bwe rejjab lukkun aorōk ilo ilo mour in. Ijo wōt ke Iroj ej kōjermal juōn kein joņok eo eļap an oktak jen eo im laļ in ej kōjerbale ñan jone aorōk in juōn mour. Ejelā kajien ripāļeļe in eļap aer tōmak; Ej iakwe er. Jermal ko aer rej men in kamool ikkijen tōmak eo aer ekajoor kōn E.

You Matter to Him

Būratōr im jejtōr ro rejitenbōro, emaroñ in mool bwe armej ejowaan ilo keidi ñan joñan ļap eo an laļ im lañ. Elōñ iien jenaaj eņjake bwe ejjeļok tokjād, rōmaron jab kūle kōj, ak rōmeļokļok kōj. Ijo wōt ke, kemejmej—eļap tokjami ñan E! Eļañne ewōr iien en kwar pere ke eļap tokjam ñan E, kememej katak kein emen rōļļap:

First, God loves the humble and meek, for they are “greatest in the kingdom of heaven.”<sup>17</sup>

Kein kajuōn, Anij ej iakwe eo ej ettābōro im ettā, bwe ej er ro rej “eļap tata ilo aelōñ in lañ.”<sup>17</sup>

Kein karuo, Irooj ej kōtļok bwe tallepen kōjpeļ eo An en maroñ kwaļok jen eo emōjņo tata im ñan jemļokin laļ.<sup>18</sup> Eaar kālet men ko rōmōjņo an laļ ren wōnmaantak im rubi ro remaroñ im kajoor<sup>19</sup> im kajook “men ko re pen.”<sup>20</sup>

Kein kajilū, jekdoon ia kwoj jokwe ie, jekdoon ewi joñan am ettā, joñan dik in jermal eo am, joñan

jabwe kapeel eo am, joñan paaktokim, ak joñan an ettā kūr eo am ilo Kabuñ ej kwaḷok nan eok, kwojjab ɲojak jen Jemedwōj Ilañ. Ej iakwe eok. Ejeḷā joñan ettā in bürwōm̄ im jermal in iakwe ko am im m̄eanwōd. Men kein aolep, rej ejaake kaḡool eo am ejjeḷok jemḷokin kōn pokake im tōmak eo am.

Kein kemen im āliktata, jouij im meḷeḷe bwe ta eo kwoj loe im katak kiō eban āindein ñan indeeo. Kwoban eñjake makkūmake, būromōj, metak, ak inepata ñan indeeo. Ewōr ad kalim̄mur jen Anij bwe Eban meḷokḷok kōj ak elḷok jen ro im rej wūjleḷok bürweer.<sup>21</sup> En wōr ami kōjatdikdik im tōmak ilo kalim̄mur in. Katak ñan iakwe Jemedwōj Ilañ im erom̄ An rikaḷoor ilo naan im ilo jermal in.

Kwomin jelā bwe eḷaññe kwomnaaj ñikñik ñan jemḷokin, tōmak ilo E, im m̄ol ilo ami kejbarok kien ko, juōn raan kwonaaj make jeḷā kōn kaḷim̄ur ko im kar kwalok ñan Rikaḷoor Paul: “Mej ear jab loi, im lojiliñ ear jab roñjake im re jañin deḷōñ ilo būruon armej, men ko jabdewōt Anij e ar kapojak ñan ro rej yokwe E.”<sup>22</sup>

Būratōr im jejtōr, Armej eo ekajoor bōtata ilo laḷ im ḷañ ej Jemen jetōb ko ad. Ejeḷā wōn kom̄. Ej iakwe kom̄ kōn juōn iakwe eo elikio.

Anij ejjab kūle wōt kom̄ āinwōt juōn armej ej pād ilo juōn laḷ jidikdik eo ej mour ilo jidik wōt iien—Ej kūle kom̄ āinwō juōn Nejin. Ej lo kom̄ āinwōt ro rekkeke im kar kōm̄anm̄an ñan erom̄. Ekōḡaan bwe kom̄in jeḷā bwe ewōr tokjemi ñan E.

Jemaroñ ke tōmak, leke, kajim̄we m̄our ko ar ñan indeeo bwe jen m̄aron in meḷeḷe m̄ool in aorōkin im joñad eo ejjeḷok jemḷokin. Jemaroñ ke mour jim̄we ekkar ñan kōjeram̄man ko raorōk Jemedwōj Ilañ em̄ōj an kōpooj ñan kōj eñin ej jar eo aō ilo etan Nejin, Jisōs Kraist, amen.

Kakemejmej ko

1.

Lale Moses 1:2.

2.

Moses 1:10.

3.

Lale Moses 1:33

4.

Lale Andrew Craig, "Astronomers Count the Star," BBC News, July 22, 2003,  
<http://news.bbc.co.uk/2/hi/science/nature/3085885.stm>.

5.

Moses 7:30

6.

Mosaia 4:11

7.

Lale Doctrine and Covenants 18:10.

8.

Lale Moses 1:38–39.

9.

William Knox, "Mortality," in James Dalton Morrison, ed., *Masterpieces of Religious Verse* (1948), 397.

10.

Lale Doctrine and Covenants 121:7.

11.

3 Nipai 11:38.



12.

Mosaia 3:19.

13.

Luk 18:14; bar āinwōt lale eon kein 9--13.

14.

Mosaia 2:17.

15.

Dieter F. Uctdorf eaar kadiwōj lōk imāan tata ilo kūlaaj eo an.

16.

Lale Acts 10:38.

17.

Matu 18:4; barāinwōt lale eoon kein 1--3.

18.

Lale Doctrine and Covenants 1:23.

19.

Lale Doctrine and Covenants 1:19.

20.

1 Korint 1:27.

21.

Lale Hibu 13:5.

22.

1 Korint 2:9.